



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანტოკოლსკი პავლე გრიგოლის ძე

ანტოკოლსკი პავლე გრიგოლის ძე [19. VI (1. VII). 1896, სანქტ-პეტერბურგი, – 16.X.1978, მოსკოვი], რუსი პოეტი და მთარგმნელი. სსრკ სახელმწ. პრემიის ლაურეატი (1946).

საქართველოში პირველად 1935 ჩამოვიდა. შემდეგ კი ხშირი სტუმარი და რესპ. ცხოვრების ყველა მნიშვნელოვანი მოვლენის მონაწილე გახდა. საქართველოს უძღვნა ლექსების ციკლი („ღამე სოფელ ყაზბეგში“, „კავკასიის ზღაპარი“, „საქართველოს სამხედრო გზა“, „ქუთაისი“, „გადმოცემა მოგვითხრობს“, „თბილისის ღამე“, „დემონის სიკვდილზედ“, „მთის გზა“, „ეს ფრონტია!“, „ვეფხისტყაოსანი“, „ტიციან ტაბიძე“, „ნიკო ფიროსმანაშვილი“, „თამარ აბაკელია“ და სხვ.), ნარკვევები [„ტიციან ტაბიძე“ (1957), „სიმონ ჩიქოვანი“ (1969), „კარლო კალაძე“ (1965)] და ლიტ.-კრიტ. სტატიები.

თარგმნა „ვეფხისტყაოსანი“ (ნაწყვეტები), დ. გურამიშვილის, ა. ჭავჭავაძის, ნ. ბარათაშვილის, ა. ნერეთლის, გ. ტაბიძის, ტ. ტაბიძის, პ. იაშვილის, გ. ლეონიძის, ს. ჩიქოვანის, ვ. გაფრინდაშვილის, ნ. მინიშვილის, ი. ნონეშვილის, ი. აბაშიძის, გ. აბაშიძის, კ. კალაძის და სხვ. ნაწარმოებები. ქართ. პოეზიის დიდი სიყვარული და საქართვე. ისტ. და კულტ. ცოდნა განაპირობა ა-ს მეგობრობამ ქართვე. პოეტებთან. მისი ლექსები და პოემები თარგმნეს ა. აბაშელმა, გ. აბაშიძემ, კ. კალაძემ, შ. ნიშნიანიძემ და სხვ.

მიღებული აქვს სახელმწ. ჯილდოები.

თბზ.: Побратимы. Стихи о Грузии. Из грузинских поэтов, Тб., 1963; ლექსები, თბ., 1962; შვილი, თბ., 1966.

ლიტ.: Б о г о м о л о в И. С., Грузия в поэзии Павла Антокольского, Тб., 1976;
Л е в и н Л. И., Четыре жизни. Хроника трудов и дней П. Антокольского, 2 изд.
Доп., М., 1978.

ი. ბოგომოლოვი
